

**Ákvæði til bráðabirgða.**

1. Starfsmenn utanríkisþjónustunnar, sem við gildistöku reglugerðar þessarar eru í starfi erlendis, skulu með sama hætti og áður eiga rétt að niðurfellingu gjalda af bifreið sem þeir flytja með sér heim eftir eigi skemmra en þriggja ára samfellt starf erlendis. Með bifreiðar þessar skal að öðru leyti farið svo sem kann að verða kveðið á um í lögum þeim og reglum um bifreiðamál ríkisins sem í gildi eru við innflutning viðkomandi bifreiðar.

2. Við gildistöku þessarar reglugerðar skal sagt upp öllum nügildandi aksturssamningum frá og með 1. janúar 1986.

*Fjármálaráðuneytið, 30. apríl 1985.*

**Albert Guðmundsson.**

*Magnús Pétursson.*

**REGLUGERÐ**

**um skiptingu heilbrigðiseftirlits á Vesturlandssvæði skv. 6. gr. 3. tl.  
laga nr. 109/1984 um hollustuhætti og heilbrigðiseftirlit.**

1. gr.

**1.1. Akranessvæði.**

Þar starfar ein nefnd skipuð fimm fulltrúum. Starfssvæði: Akraneskaupstaður, Hvalfjarðarstrandarhreppur, Skilmannahreppur, Innri-Akraneshreppur, Leirár- og Melahreppur, Akraneskaupstaður skal eiga þrjá fulltrúa kosna af bæjarstjórn. Hreppsnefndir á starfssvæðinu komi sér saman um tvo.

**1.2. Vesturlandssvæði.**

Þar starfa 4 nefndir.

1) Borgarnes, skipuð fimm fulltrúum.

Starfssvæði: Borgarneshreppur, Borgarhreppur, Álftaneshreppur, Hraunhreppur, Kolbeinsstaðahreppur, Eyjahreppur, Andakílhreppur, Skorradalshreppur, Lunda-reykjadalshreppur, Reykholtaldshreppur, Hálsahreppur, Hvítársíðuhreppur, Þver-árhlíðarhreppur, Norðurárdalshreppur og Stafholtstungnahreppur. Borgarneshreppur skal eiga einn fulltrúa kosinn af sveitarstjórn, en hreppsnefndir annarra hreppa á starfssvæðinu komi sér saman um fjóra.

2) Ólafsvík, skipuð fimm fulltrúum.

Starfssvæði: Ólafsvíkurhreppur, Fróðárhreppur, Staðarsveit, Breiðuvíkurhreppur og Neshreppur. Ólafsvíkurhreppur skal eiga tvo fulltrúa og Neshreppur einn kosna af sveitarstjórnnum. Hreppsnefndir annarra hreppa á starfssvæðinu komi sér saman um tvo.

3) Stykkishólmur, skipuð fimm fulltrúum.

Starfssvæði: Helgafellssveit, Stykkishólmshreppur, Skógarstrandarhreppur, Miklaholtshreppur, Eyrarsveit og Flateyjarhreppur. Stykkishólmshreppur skal eiga tvo fulltrúa og Eyrarsveit einn kosna af sveitarstjórnnum. Hreppsnefndir annarra hreppa á starfssvæðinu komi sér saman um tvo.

4) Búðardalur, skipuð fimm fulltrúum.

Starfssvæði: Hörðudalshreppur, Miðdalshreppur, Haukadalshreppur, Laxárdalshreppur, Hvammshreppur, Fellsstrandarhreppur, Klofningshreppur, Skarðshreppur og Saurbæjarhreppur. Laxárdalshreppur skal eiga einn fulltrúa kosinn af sveitarstjórn. Hreppsnefndir annarra hreppa á starfssvæðinu komi sér saman um fjóra.

## 2. gr.

- 2.1. Heilbrigðisnefnd Akranessvæðis fer með störf svæðisnefndar skv. 11. gr. laga nr. 109/1984 auk héraðslæknis sem er formaður.
- 2.2. Svæðisnefnd Vesturlandssvæðis skal skipuð formönnum heilbrigðisnefnda á svæðinu auk héraðslæknis, sem er formaður.

## 3. gr.

- 3.1. Um skipan og framkvæmd heilbrigðiseftirlits á Akranessvæði og Vesturlandssvæði fer að öðru leyti samkvæmt lögum nr. 109/1984, um hollustuhætti og heilbrigðiseftirlit.

## 4. gr.

- 4.1. Reglugerð þessi, sem sett er samkvæmt 25. gr. laga nr. 109/1984 um hollustuhætti og heilbrigðiseftirlit öðlast gildi þegar í stað.

*Heilbrigðis- og tryggingamálaráðuneytið, 30. apríl 1985.*

**Matthías Bjarnason.**

Páll Sigurðsson.

## REGLUGERÐ

### um breytingu á reglugerð nr. 519 14. desember 1979 um skipan gjaldeyris- og viðskiptamála.

## 1. gr.

IV. kafli reglugerðarinnar orðist svo:

## IV. KAFLI

**Um gjaldeyrisviðskipti.**

## 13. gr.

Allur erlendur gjaldeyris, sem innlendir aðilar eiga eða eignast fyrir seldar vörur og þjónustu, skal seldur eða honum skilað til gjaldeyrisbanka innan eðlilegs frests frá því að gjaldeyrisrinn komst eða gat komist í umráð eiganda eða umboðsmanns hans. Í 14., 15. og 16. gr. er nánar kveðið á um sölu og skilaskyldu gjaldeyris m. a. með innlögn á innlenda gjaldeyrisreikninga.

## 14. gr.

Innlendum aðilum, svo og íslenskum ríkisborgurum búsettum erlendis svo og fyrirtækjum erlendis með meirihlutaáild héraðra aðila, sem eiga eða eignast erlendan gjaldeyri, er heimilt tímabundið að leggja hann inn á innlendan gjaldeyrisreikning við íslenska gjaldeyrisbanka.

Gjaldeyrisbönkum, sem veita lán vegna framleiðslu útflutningsafurða eða vegna útfluttrar þjónustu, er heimilt að áskilja, að gjaldeyris, sem inn kemur vegna útfluttra afurða eða þjónustu, greiðist inn á sérstaka bundna gjaldeyrisreikninga. Sé gjaldeyrisandvirði veðsett viðkomandi gjaldeyrisbanka eða ávísað honum með öðrum hætti, skal slíkum samningum fyrst fullnægt. Þegar því er lokið er eiganda gjaldeyrisins heimilt að leggja eftirstöðvar hans inn á reikninga skv. 1. málsgrein.